

活出信仰

經文：阿摩司 5:6-7、10-15；馬可 10:17-31

台灣是一個失去秩序 ê 社會。這 kap 教會抑是一 e 基督徒有啥物款責任？今 á 日 ê 經文就是上帝通過先知阿摩司教示咱按怎作基督徒 ê 本分。

V.6 講：您著找耶和華就得著活，愛找上主 chiah 有生路。「找」上帝，就是回心轉意，悔改 ê 意思。今 á 日 ê 啓應文(以賽亞 55:6-7)講：著趁耶和華 thang 找著 e 時，來找伊，佇伊相近 e 時求叫伊。歹人著離開伊 e 路，不義 e 人著改換伊 e 念頭；歸向耶和華，伊 beh 憐憫伊；歸向咱 e 上帝，因為伊 beh 遍行赦免。」這 mà 是歸本聖經 ê 中心信息。Chit 擺參加北美教協，台灣長老教會總會總幹事張德謙牧師講起，佇政爭期間，陳總統識邀請幾位牧師為台灣祈禱，伊趁機向總統傳道理並送聖經互伊，希望總統 ē-tàng 每日靜心尋求屬天 ê 智慧，若總統會曉倚靠上帝，並遵行上帝 ê 教示，時局必然會有轉變。1991 年蘇聯結束共產主義 ê，進行道德 kap 精神重建 e 時，流亡海外 20 年 ê 索忍尼辛大聲喉叫：「基督教 ê 屬靈力量是現今唯一 ē-tàng 醫治俄羅斯 ê 藥方。」捷克共黨解體後，哈維爾 (Václav Havel 授命總統，伊講：我 tui 基督教 ê 倫理觀為人行事……，佇我之上，有一極大 ê 奧秘，he 是所有意義 ê 中心，mà 是至高 ê 道德權威。」哈維爾呼籲：『是耶穌，毋是該撒』。Chiah-ê 共產國家佇覺醒了後，煞同時尋求上帝，求治國 e 道。

今 á 日 chit 種思想再次佇咱當中興起，當人類 iáu 未犯罪 e 時，上帝主動來找人類。總是佇人類犯罪了後，雖罔上帝 iáu 是繼續找人類，人卻因為犯罪來閃避上帝 (創 3:8-9)。雅各雖罔佇伯特利 mà 找著上帝。總是聖經記載雅各睡醒了講：耶和華真正佇 chia、我竟然 m̄ 知(創 28:16)。Kah-ná 是雅各找著上帝，其實是佇夢中天使向雅各顯現。V.5 叫咱 mài 去伯特利，因為伯特利要歸佇無。Chit 句話 Tú 好應驗主耶穌佇約翰福音對撒馬利亞婦人講，真實敬拜 e beh 用神用真實敬拜父；因為父是愛此號人敬拜伊。上帝是神；敬拜伊 e 人，著用神用真實來敬拜。(4:23-24)。耶穌大筵席 ê 比喻 kā 咱講：叨位對上帝有渴望，伊就 tī-hia 出現。

第二公義：公義是上帝 ê 本質，所以佇舊約當以色列人犯錯，上帝會藉著濟濟方法來警戒或是處罰 in。上帝要求以色列人：著互公平親像大水直直流，互公義親像長流 e 江河。(5:24)！總是 in ê 所行所作 tú 好倒反，伊 m̄-na 冤屈散赤人，扭曲正直人 ê 聲，帶剝削散赤人所得 ê 財物去獻互上帝。Chit 種現象佇現今有加無減。這是一個不道德 ê 社會！最近阿扁總統 ê kiáⁿ婿趙建銘因牽涉台開案，台大病院藉 i kap 藥商互動密切、koh 收臍帶血銀行代言費，將伊趕出台大，卻看不著醫院內長期惡質紅包文化。第二次世界大戰德國侵略波蘭，當時西歐各國採取姑息主義，無 gī 悟德國 thèh 波蘭了後轉來 kap 英、法等國家宣戰，chit 時聯軍 chiah 受迫採取行動。包括美國在內 ê 國際社會，明明知影北韓佇發展威脅世界 ê 核武，竟不採取任何實質性行動，等到核彈試爆成功，聯合國 chiah 做出了軍事制裁。現在美國國務院是左派 kā 贏，佇外交只講功利，m̄ 講原則或是公義。In 看重中國經濟市場，強調 mai 得罪中國，對佇中國凌辱台灣 m̄-nā 無看 tiòh，又直直要求台灣守一中政策，壓制台灣，甚至諂媚中國。Chit-ê 現象 kap 二次大戰 ê 情況全款，若是 chiah-ê 歐美強國無反省，有一工會食著鱸。台灣佇 chit 件事頂面應當自立自強，bē-tàng 依靠國際強權，因為國 kap 國之間 Kan-taⁿ有利害關係無公義存在。

減少散鄉也是聯合國努力 ê 目標之一。雖罔真 chē 所在經濟有成長，總是今 á 日 ê 世界比十冬前 koh-khah bo 平等，散鄉猶原是世界 ê 大問題，尤其是非洲地區。親像：跨國公司到第三世界買土地剝削當地工人，來種咖啡及其他農產品、互富國人民享受廉價咖啡。因為種咖啡致至到農作物 ê 生產，soah 糧食不足，chiah-ê 富國 koh 用好撒馬利亞人 ê 姿態將剩 ê 糧食來救濟伊。又有 WTO 對弱小國家 kap 生態環境 ê 挑戰 kap 威脅。另外社會 iáu 有真 chē 不公義代誌，親像：社會階級 ê 不公義，以日本 ê 賤民 kap 印度種性制度 siōng 著名。種族 ê 不公義，少數民族統治多數種族，前非洲盧安達、南非、國民黨政權攏是。kap 咱切身關係 ê，有性別、年齡、宗教信仰 ê 不公義等 koh-khah 是處處 e tāng 看著。因為人類 ê 罪性 bó 可能有完美 ê 社會制度，mà boē 產生全然公義和諧 ê 社會，既然成做基督徒就著反省咱佇社會中 ê 角色，並且實踐咱 ê 價值信念。咱 ē-tàng 期待，尋一個疼 kap 公義 ê 社會，互 hiah-ê 人佇世界 ē-tàng 預先看著上帝國 ê 遠景。

最後阿摩司 ài 咱追求良善，怨恨歹，佇法庭行公義 ê 審判，án-ne chiah 有生路。(v.15)。今 á 日 ê 另外一位經文 mà 提起善良，馬可 10:17-31 少年財主 ê 故事。良善 mà 是上帝另外一個本質，所以莫怪耶穌問伊：「你啥事稱呼我是好 ah?無一個好，獨獨上帝 nā-tia°。」(可 10:18)。上帝已經指示咱甚麼是善。伊要求 ê 是：獨獨 ài 你行公義，心存憐憫，謙卑 kap 你 ê 上帝相 kap 行。(彌 6:8)。少年財主來到耶穌面前尋求『永生』，伊問：『我該作甚麼?』。這 kah-ná「宗教攏是勸人爲善」ê 觀念一般樣，伊尋求 ê 是按怎藉行善向上帝作功德。善功常常受世俗 ê 影響違背公義 kap 疼等永遠 ê 價值，所以耶穌想會 choah 伊到正確 ê 觀點，伊講：「放棄財富，kā 上帝當作頭一位」。Mother Teresa ê「仁愛傳道會」，吸引多多世界各地 ê 基督徒，來看護散鄉破病或是 beh 死者。是什麼 ê 力量感動伊?Mother Teresa 有一 e 出名 ê 祈禱辭：

在每一個病人內底，互阮找著祢，看見祢，互阮全心服侍祢。求祢 tī 彼 ê 滿身污穢、臭味，惡面、性情野蠻，疼 beh 落去 ê 人 ê 當中，互阮看見隱藏 ê 祢，至疼 ê 耶穌。求祢佇阮面對艱難、委屈 ê 工作 ê 時，阮也 ē-tàng 對心內發出：「至疼 ê 主阿，ē-tàng 服侍祢，真正是喜樂！

Mother Teresa 講出「上帝作頭位」上帝著是疼」ê 信息，就是 chit-ê 信息互少年財主 ê chán-boe-tiâu, kā 人 tùi 心靈 kap 物質 ê 壓制中解放出來，可惜伊拒絕 chit-ê 挑戰，確實佇這 ê 物質慾望氾濫 ê 時代，ài 咱放棄一切尊主作大是真困難 ê 選擇。總是咱 ê 信仰就是 te 強調人 ê 責任，基督徒受召怎樣佇現實 ê 世界回應上帝 ê 疼，參與上帝主權落實佇地 nih, 作負責任 ê 管家。阿摩司向咱挑戰，ài 咱 kā 咱 kap 上帝 ê 關係，落實佇人 kap 人、人 kap 社會、人 kap 自然 ê 關係上面，來顯明上帝 ê 疼 kap 公義。Án-ne 比去獻祭，或是佇殿堂禮拜敬拜上帝 koh-khah 能得著上帝鑒納。

明年是二二八 60 週年，長執會通過紀念禮拜 beh 互青年作主體來進行，當然佇咱 ê 印象中，chit 項代誌應該強調公義，是悲情 ê。總是咱決定互青年參與是因為歷史是 e-tang 赦免總是 bē-sái bē 記得，所以咱 beh 將這 ê 任務交互咱 ê 後一代。咱也著互少年人知影教會不使對社會或是世界中撤退，反轉必須積極參與，ng 望藉著基督信仰來轉化社會 ê 亂象，期待不斷更新變化，互公義、仁愛會得著顯明。另外一方面欺壓人 ê 也著誠心悔改 chiah ē-tàng 化解社會 ê 對立。互咱將公義深深佇咱 ê 社會和國家定根，chiah ē-tàng 互主歡喜。

